

**SOFITU A LA DECLARACIÓN
DE LOS SIDROS Y LES COMEDIES DE VALDESOTO COMO BIC
BIEN D'INTERÉS CULTURAL INMATERIAL DEL PRINCIPÁU D'ASTURIES.**

El **patrimoniu cultural inmaterial** ye un vínculo col pasáu qu'abre camín pal futuru. Ye una tradición que perdura ente xeneraciones, caltién la dixebra cultural frente a la globalización, afala al diálogu ente cultures y al respetu ente pueblos. Ye un factor de raigañu social col sentimientu de pertenencia a una cultura. Ye la memoria vivo d'una comunidá.

Los Sidros y les Comedies son una mazcarada d'iviernu arreyada al ciclu del carnaval n'Asturies, con testimonios como'l Guirria de Beleño, Os Reises del Valledor y Tormaleo, los Zamarrones de L.lena, los Aguilandeiros de Villapañada, los Guilandeiros de Tinéu y Ayande, los Mazcaraos de Rozaes o los Mazcaritos d'Uviéu. Conócense los Sidros dende'l sieglu XIX y les Comedies perviven nel XX pelos testos de José Noval "Siero". De magar prohibiera l'antroxu la dictadura, foi la primer mazcarada recuperao na democracia y anguaño espoxiga col preste de la ciudadanía.

Los Sidros y les Comedies resurden en **Valdesoto**, Conceyu de Siero, gracias al llabor de l'asociación "**El Cencerru**", exemplu de cultura y asturianía. Trunfen perdayures, participen nuna rede folklorista europea representando Asturies en festivales como la Máscara Ibérica de Lisboa o Pernik (Bulgaria) y, xuniendo local con universal, traen pa La Pola y Valdesoto los Alcuentros de Mazcaraes d'Iviernu. Aprovechen asina l'intercambiu cultural con eventos turísticos qu'entemecen l'afondamientu etnográfico cola folixa del país.

Identidá, llingua, tradición y cultura son finxos cimeros de los Sidros y les Comedies. La memoria oral ye l'alma d'una sociedá tradicional y esta vieya

representación teatral da-yos vida a los pueblos rurales. Coles Comedies, la tradición local ábrese a nueves creaciones y la llingua asturiana emplégase como vehículu de tresmisión d'una cultura popular.

Esti patrimoniu etnográfico yá ye conocíu y reconocíu n'Asturies. Los Sidros son una referencia de la identidá asturiana. Agora, cola proteición oficial como BIC, pidimos que formen parte dafechu del nuesu patrimoniu cultural.

Pola mor d'ello, la entidá que soscribe

INICIATIVA POL ASTURIANU

sofita la declaración de **BIC, Bien d'Interés Cultural Inmaterial del Principáu d'Asturies** pa los Sidros y les Comedies de Valdesoto.

Inaciu Galán González

Presidente d'Iniciativa pol Asturianu

“Hotel d'Asociaciones de Xixón” Avdenida Manuel Llana, 68, baxu. 33208
Xixón